

Proposta Ledscha da natüralisaziun da la Comuned vschinela da Segl in Engiadina

Art. 1 Funcziun da la ledscha

Quista ledscha regla il proceder da la natüralisaziun sül nivel cumünel seguond las premissas da la ledscha chantunela da natüralisaziun (KBüG) e la relativa prescripziun (KBüV). La mera es l'acquist dal vschinedi a basa d'üna dumanda.

Art. 2 Premissas per la natüralisaziun per estras ed esters i'l proceder da natüralisaziun regular

Düreda da la dmura

Il vschinedi da Segl po gnir concess ad aspirants ed aspirantas cun dmura a Segl, sch'els sun, aunz cu fer la dumanda, stos domicilos sainza interrupziun almain tschinch ans a Segl.

Per personas estras chi sun stedas domiciledas in tuot 12 ans in cumün bastan duos ans domicil aunz cu fer la dumanda.

Premissas chantunelas

Il vschinedi po be gnir concess, scha las premissas da la procedura chantunela sun accumulidas.

Art. 3 Premissas per la concessiun dal vschinedi per Svizras e Svizzers

Düreda da la dmura

Svizras e Svizzers paun acquirer il vschinedi da Segl, scha sun stos domicilos in cumün almain tschinch ans sainza interrupziun, aunz cu fer la dumanda.

Persunas chi sun creschidas sü a Segl e chi haun frequento la scoula primara in cumün stöglan cumprover be duos ans domicil aunz cu fer la dumanda. Medem vela per personas chi sun stedas domiciledas in tuot 12 ans in cumün.

Per natüralisaziuns privilegiedas seguond Art.19 ledscha chantunela nu do que üngünas premissas per la düreda da dmura in cumün

Premissas chantunelas

Las premissas correspuondan al dret chantunel.

Art. 4 Proceder per la dumanda da natüralisaziun da Svizras e Svizzers

Applichand il proceder ordinari haun candidatas e candidats sainza vschinedi dal chantun Grischun dad inoltrer tuot las cumprouvas seguond artichel 23 KBüV e dad applicher il formular chantunel.

Candidatas e candidats chi possedan già il vschinedi grischun haun dad inoltrer tar la natüralisaziun regulera ils seguaints documaints:

- Cumprouva da la düreda da dmura seguond las ledschas
- Excerpt privat dal register penel svizzer
- Excerpt dal register da scussiuin dals cumüns domicil dals ultims 5 ans
- Conferma da l'uffizi d'impostas cumünel concernant il pajamaint reguler da las impostas.

Per natüralisaziuns privilegiedas es d'inoltrer il formular chantunel cullas allò numnedas cumprouvas.

Art. 5 Cumpetenzas

La cumpetenzza per l'execuziun da quista ledscha es in maun da la suprastanza da la Comunitè vschinela. Ella comunichescha decisiuns e respostas sün üna dumanda per scrit. Il proceder as drizza seguond las ledschas chantunelas.

La suprastanza examinescha las pretensiuns formelas ed intrapiglia las retscherchas necessarias. Ultimas paun eir gnir fattas dad üna cumischiun our dal ravuogl. Quista ho in seguit da fer üna proposta a la suprastanza. Aunz cu der inavaunt üna proposta negativa es da der la pussibiltè a la candidata u al candidat da's güstificher. L'Uffizi chantunel stu gnir infurmo (Art. 27 al.1 KBüV).

La suprastanza u la cumischiun invidan candidatas u candidats esters per ün discuors da qualificaziun i'l quèl vain surtuot examino, scha las personas haun cugnuschentschas suffizchaintas da las relaziuns localas e svizras. Cun consentimaint da l'Uffizi chantunel as po renunzcher ad ün discuors. Scha necessari, paun eir citadins svizzers gnir invidos ad ün discuors, ün'examinaziun da cugnuschentschas fundamentelas es però esclusa.

La suprastanza vschinela rapporta a l'Uffizi chantunel infra 8 ans daspö la natüralisaziun, scha quista es gnida obtgnida cun astuzcha, saja que cun fosas indicaziuns u cun zuppanter fats relevantas.

La cumpetenzza da natüralisaziuns da Svizras e Svizzers chi possedan già il vschinedi dal chantun Grischun es in maun da la suprastanza vschinela. L'uffizi civil da la regiun Malögia vain oriento zieva cha la decisiun es leghelmaing valabla.

Art. 6 Taxas

Per la procedura da natüralisaziun vegnan missas in quint taxas chi cuvernan ils cuosts. La suprastanza elavura ün reglamaint da taxas chi vain approvo da la Radunanza da la comunitè vschinela. Quista po stabilir pauschelas differentas per estras ed esters u per Svizras e Svizzers.

La suprastanza es legitimada da redüer u relascher las taxas per iffaunts minorens chi nu vegnan natüralisos insembel cun lur genituors, per personas chi sun in furmazion, tar natüralisaziuns privilegiedas, tar acziuns da natüralisaziun e tar personas chi'd haun fich strettas relaziuns cun Segl.

Per l'elavuraziun dal dossier da la natüralisaziun po gnir dumando ün'anticipaziun dals cuost in otezza da la mited da la pauschela.

Art. 7 Cas speciels

In cas güstifichos po la radunanza dals vschins sün proposta da la suprastanza conceder il vschinedi in onur u in regal.

Art. 8 Protecziun leghela

Decisiuns stöglian gnir fixedas per scrit e tramissas scrittas aint u cun posta A+. Decisiuns haun dad esser motivedas e munidas cun ün' indicaziun dals mezs leghels.

Art. 9 Entreda in vigur

La Radunanza da la comunitè vschinela ho delibero quista ledscha da natüralisaziun als ... e rimpiazza quella dals 1s december 2006. Ella dvainta leghelmaing valabla als 1s marz 2024

Segl, ils 30 schner 2024

il president

l'actura

Proposta Reglamaint da taxas da la Comunitad vschinela da Segl in Engiadina

Art. 1 Estras ed esters

- 1.) La taxa da natüralisaziun per estras ed esters seguond art. 2 da la ledscha da natüralisaziun da la Comunitad vschinela da Segl s'amunta a **Fr. 2'000.-**
- 2.) Per giuvenils fin 18 ans cumpiglia la taxa **Fr. 1'000.-**
- 3.) Vegnan conjughels u genituors cun iffaunts natüralisos a medem temp, paun las taxas gnir redottas, scha las lavuors administrativas as simplificheschan.

Art. 2 Svizras e Svizzers

- 1.) Svizras e Svizzers creschieus chi's vöglian natüraliser a Segl pejan üna taxa da **Fr. 1'000.-**
- 2.) Per giuvenils fin 18 ans s'amunta la taxa a **Fr. 500.-**
- 3.) Persunas creschidas, chi sun già vschins dal chantun Grischun, pejan **Fr. 500.-**, giuvenils fin 18 ans **Fr. 250.-**
- 4.) Scha ün dals genituors es vschin u vschina da Segl, es creschieu sü cò ed ho frequento la scoula in cumün, as po renunzcher ad üna taxa.
- 5.) Vegnan conjughels u genituors cun iffaunts natüralisos a medem temp, paun las taxas gnir redottas, scha las lavuors administrativas as simplificheschan.
- 6.) Candidatas e candidats chi vegnan natüralisos in ün'acziun decisa da la radunanza dals vschins, paun acquister il vschinedi suot tariffas specielas.

La radunanza dals vschins ho delibero quist reglamaint da taxas als ... e rimplazza las decisiuns dals 30 gün 2020. Il reglamaint dvainta leghelmaing valabel als 1s marz 2024

Segl, ils 30 schner 2024

il president

l'actura